


BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
UNA-SANA CANTON GOVERNMENT

Broj: 03-017-673/2017
Dana, 10.03.2017. godine

15.03.2017
017-673-4-1e-30/17

SKUPŠTINA UNSKO-SANSKOG KANTONA

PREDMET: Izvještaj o radu Kantonalnog zavoda za prostorno uređenje
i planiranje za 2016. godinu, d o s t a v l j a s e;-

Na osnovu člana 185. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 5/04), u prilogu Vam dostavljamo Izvještaj o radu Kantonalnog zavoda za prostorno uređenje i planiranje za 2016. godinu, uz sljedeće:

O b r a z l o ž e n j e

Vlada Unsko-sanskog kantona je na sjednici održanoj dana 10.03.2017. godine, razmatrala i prihvatila Izvještaj o radu Kantonalnog zavoda za prostorno uređenje i planiranje za 2016. godinu, predlagača Kantonalnog zavoda za prostorno uređenje i planiranje, te Vam isti dostavljamo na razmatranje.

PRILOG: - Izvještaj o radu (6x)



BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI ZAVOD ZA
PROSTORNO UREĐENJE I PLANIRANJE



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
CANTONAL INSTITUTE
FOR PHYSICAL PLANNING

IZVJEŠTAJ O RADU

KANTONALNOG ZAVODA ZA PROSTORNO UREĐENJE I PLANIRANJE
ZA 2016. GODINU

Bihać, februar 2017. godine

SADRŽAJ:

| | |
|--|-----------|
| I UVOD | 3 |
| II TEMATSKI DIO | 4 |
| III KAPITALNI PROJEKTI..... | 5 |
| IV OCJENA STANJA I POSTIGNUTI REZULTATA..... | 5 |
| V PROGRAMSKA ORIJENTACIJA | 7 |
| VI PLANIRANE I REALIZIRANE AKTIVNOSTI I ZADACI..... | 7 |
| VII IZVRŠENJE PLANIRANIH KONTINUIRANIH POSLOVA | 10 |
| VIII PREGLED UNUTRAŠNJE ORGANIZACIJE, KADROVSKE I MATERIJALNE OSPOSOBLJENOSTI..... | 11 |
| IX OSTVARIVANJE SARADNJE SA FEDERALNIM ORGANIMA, DRUGIM KANTONIMA, OPĆINAMA I OMBUDSMENIMA..... | 13 |
| X FINANSIJSKI IZVJEŠTAJ..... | 13 |

I UVOD

Skupština Unsko-sanskog kantona donijela je Zakon o osnivanju Kantonalnog zavoda za prostorno uređenje i planiranje („Službeni glasnik Unsko-sanskog kantona“, broj: 23/12), koji je stupio na snagu dana 21.09.2012. godine, kojim je osnovan Kantonalni zavod za prostorno uređenje i planiranje (u daljnjem tekstu: Zavod). Zavod je zvanično počeo sa radom nakon provedenog i okončanog postupka izbora direktora, koji je počeo sa radom 19.03.2013. godine. Međutim, sa obavljanjem osnovne djelatnosti, Zavod je počeo od dana kada je u radni odnos primljen dovoljan broj stručnog kadra (VSS i VŠS) potrebnog za izradu planskih dokumenata.

Cilj osnivanja Zavoda je bio racionalnija organizacija kvalitetne i kontinuirane aktivnosti na prostornom i urbanističkom planiranju na prostoru Unsko-sanskog kantona, u odnosu na raniji period, kada su ove poslove obavljali drugi zavodi i slične institucije van Unsko-sanskog kantona, budući da na prostoru Kantona nije postojala institucija ovog tipa koja bi obavljala poslove izrade planske dokumentacije, kako za potrebe Kantona, tako i za potrebe jedinica lokalne samouprave.

Radom Zavoda su se stvorile pretpostavke za ostvarivanje saradnje općinskih organa uprave sa područja Kantona i kantonalnih organa, u smislu zajedničkog prostornog i urbanističkog planiranja, te planiranja finansijskih sredstava u budžetima za ove namjene, ali i za zajedničko finansiranje izrade planske dokumentacije ukoliko takva sredstva budu osigurana u budžetima, a takvi planovi se pokazuju neophodnim ili prioritetnim.

Nadležnosti Zavoda su regulisane članom 4. Zakona o osnivanju Kantonalnog zavoda za prostorno uređenje i planiranje („Službeni glasnik Unsko-sanskog kantona“, broj: 23/12), kao i članom 22. Zakona o organizaciji i nadležnostima kantonalnih organa uprave i upravnih organizacija („Službeni glasnik Unsko-sanskog kantona“, broj: 9/13, 11/14 i 8/15).

Način rada Zavoda je utvrđen članom 2. Zakona o osnivanju Kantonalnog zavoda za prostorno uređenje i planiranje („Službeni glasnik Unsko-sanskog kantona“, broj: 23/12), kojim je regulisano da je Zavod samostalan u izvršavanju poslova iz svoje nadležnosti, da se rad Zavoda zasniva na načelima na kojima se zasniva rad organa državne službe i to: zakonitosti, transparentnosti, javnosti, odgovornosti, efikasnosti, profesionalnoj nepristrasnosti i političkoj neovisnosti.

U skladu sa članom 3. stav 3. Zakona o osnivanju Kantonalnog zavoda za prostorno uređenje i planiranje, Zavod je dužan najmanje jednom godišnje podnijeti izvještaj o radu Vladi Unsko-sanskog kantona i Skupštini Unsko-sanskog kantona.

U skladu sa članom 17. Zakona o osnivanju Kantonalnog zavoda za prostorno uređenje i planiranje, nadzor nad provođenjem odredaba ovog Zakona vrši Ministarstvo za građenje, prostorno uređenje i zaštitu okoliša Unsko-sanskog kantona (u daljnjem tekstu: Ministarstvo),

te je u cilju vršenja nadzora nad radom Zavoda, isti obavezan dostaviti Ministarstvu polugodišnji i godišnji izvještaj o radu za tekuću godinu.

Shodno navedenom, Zavod je 02.09.2016. godine, dostavio Ministarstvu Izvještaj o radu Kantonalnog zavoda za prostorno uređenje i planiranje za period 01.01.-30.06.2016. godine, (šestomjesečni izvještaj) kojim su prezentirane sve aktivnosti i poslovi Zavoda odrađeni u izvještajnom periodu. Na dostavljeni izvještaj, Ministarstvo nije imalo primjedbi.

Zavod je u januaru 2016. godine, donio Program rada Kantonalnog zavoda za prostorno uređenje i planiranje za 2016. godinu (u daljnjem tekstu: Program rada), sa definisanim obavezama, aktivnostima i rokovima izvršenja istih.

Izvještaj o radu Kantonalnog zavoda za prostorno uređenje i planiranje za 2016. godinu (u daljnjem tekstu: Izvještaj), sačinjen je u skladu sa Odlukom o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona („Službeni glasnik Unsko-sanskog kantona“, br. 3/14 i 4/14).

II TEMATSKI DIO

U skladu sa Programom rada Vlade Unsko-sanskog kantona za 2016. godinu, Vlada Unsko-sanskog kantona je u izvještajnom periodu razmatrala 3 materijala za koje je Zavod bio obrađivač.

1. U skladu sa Programom rada, Vlada Unsko-sanskog kantona je na sjednici održanoj dana 15.01.2016. godine razmatrala i Zaključkom broj: 03-017-1119/16, usvojila Informaciju o stanju planske dokumentacije u Unsko-sanskom kantonu u 2015. godini, koju je ovaj organ sačinio na osnovu informacija i podataka prikupljenih od Općina Unsko-sanskog kantona i Grada Bihaća. Ovim materijalom Zavod je nastojao prikazati realno stanje planske dokumentacije na Unsko-sanskom kantonu, utvrditi potrebe Općina/Grada za izradu nove ili eventualnu izmjenu postojeće planske dokumentacije, i na temelju utvrđenog predložiti mjere i aktivnosti na unapređenju stanja u ovoj oblasti.

Skupština Unsko-sanskog kantona je na sjednici održanoj dana 07.03.2016. godine razmatrala Informaciju i donijela Zaključak broj: 0102-4-285/16, kojim se prima na znanje Informacija o stanju planske dokumentacije u Unsko-sanskom kantonu u 2015. godini.

2. Zavod je u februaru 2016. godine sačinio Izvještaj o radu Kantonalnog zavoda za prostorno uređenje i planiranje za 2015. godinu i isti dostavio Uredu Vlade u propisanom roku. Međutim, Vlada Unsko-sanskog kantona je tek na sjednici održanoj dana 02.06.2016. godine, razmatrala i Zaključkom broj: 03-017-1533/2016 usvojila Izvještaj, sa uputom da se isti ima dostaviti Skupštini Unsko-sanskog kantona na razmatranje.

Iako je navedeni Izvještaj Vlada uputila Skupštini na razmatranje, u izvještajnom periodu isti nije bio razmatran od strane Skupštine.

3. U skladu sa Odlukom o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona („Službeni glasnik Unsko-sanskog kantona“, br. 3/14 i 4/14), Zavod je u izvještajnom periodu sačinio i Naert Programa rada Kantonalnog zavoda za prostorno uređenje i planiranje za 2017. godinu, te je isti dostavio Vladi Unsko-sanskog kantona koja je isti razmatrala i usvojila Zaključkom broj: 03-017-320/16, i odredila da se isti ima ugraditi u Program rada Vlade Unsko-sanskog kantona za 2017. godinu.

III KAPITALNI PROJEKTI

Obzirom da se ova stavka odnosi na prikaz kapitalnih projekata Zavoda sa naznakom faze realizacije, dajemo slijedeće obrazloženje:

Budžetom Unsko-sanskog kantona za 2016.godinu, koji je objavljen u „Službenom glasniku USK“ br: 1/16 od 08.01.2016.godine, na stranici br. 129 u tabelarnom prikazu budžeta Zavoda u ekonomskom kodu 821000 pod naznakom **kapitalni izdaci**, u koloni 13 je prikazan iznos od 5.000,00 KM planiranih za 2015. godinu, a što se odnosilo na „studije izvodljivosti, projektne pripreme i projektovanje“. Međutim, rebalansom istog Budžeta („Službeni glasnik USK“ br: 18/16 od 24.11.2016.godine) donesenog u cilju planiranih mjera uštede, došlo je do izmjena, tako što je iznos od 5.000,00 KM, ranije namijenjen za „studije izvodljivosti, projektne pripreme i projektovanje“, uvršten na kod „uredska oprema“. Iznos od 600,00 KM dodat je na kod „studije izvodljivosti, projektne pripreme i projektovanje“.

Tako je na stranici br.1198 u tabelarnom prikazu rebalansa budžeta („Službeni glasnik USK“ broj: 18/16) – Odluka o izmjenama i dopunama Budžeta za 2016.godinu-, za Zavod na ekonomskom kodu 821000 pod naznakom **kapitalni izdaci** u koloni br.14 prikazan i planiran iznos od 5.600,00 KM do kraja 2016.godine. Od navedenog iznosa od 5.600,00 KM, Zavod je do kraja izvještajnog perioda uspio izvršiti obavezu obnove licenci za dva programa AutoCAD u iznosu od cca 600,00 KM.

Preostali iznos od 5.000,00KM, koji je bio planiran za nabavku odgovarajućeg plotera kojeg Zavod do sada nije imao, do kraja 2016.godine je ostao neutrošen.

IV OCJENA STANJA I POSTIGNutih REZULTATA

Rezultati rada Zavoda za izvještajni period, detaljno su prikazani u tačkama VI „Planirane i realizirane aktivnosti i zadaci“ i VII „Izvršenje planiranih kontinuiranih poslova“.

Realizacija programskih i drugih prikazanih aktivnosti, iziskivala je i donošenje velikog broja popratnih pisanih akata, mišljenja, izvještaja, informacija, ugovora, obavještenja, rješenja, zaključaka i slično.

U izvještajnom periodu, rezultate rada Zavoda, statistički prikazano, predstavlja:

- izrada **9** planskih dokumenata za potrebe Općina Kantona,
- izrada **2** idejna projekta za potrebe Vlade Unsko-sanskog kantona,
- **7** stručnih mišljenja, od toga 4 kao Nosioc izrade planskog dokumenta a 3 za potrebe organa uprave,
- **1** Plan prijema pripravnika,
- **1** Program rada,
- **1** Izvještaj o radu,
- **1** Informacija o stanju planske dokumentacije,
- **5** ugovora iz domena osiguranja uslova za rad Zavoda,
- **6** ugovora za izradu planskih dokumenata,
- **15** rješenja iz oblasti radnih odnosa državnih službenika i namještenika uposlenih u Zavodu.

U okviru poslova izrade planskih dokumenata, kako je navedeno, okončane su procedure za izradu **četiri** izmjene i dopune regulacionih planova, **tri** urbanistička projekta, **jednog** zoning plana i izrada **jednog** novog regulacionog plana, a koje su rađene u skladu sa Uredbom o jedinstvenoj metodologiji za izradu dokumenata prostornog uređenja („Službene novine Federacije Bosne i Hercegovine“, broj: 63/04, 50/07 i 84/10), što podrazumijeva izradu Nacrta i Prijedloga navedenih planskih dokumenata. Uz to je Zavod, kao Nosilac izrade planova, bio u obavezi prisustvovati sjednicama OV svake Općine za koju je radio plan i u svakoj njegovoj fazi donošenja, obrazložiti ga stručno i kvalitetno, kao i prisustvovati na svim javnim raspravama u vezi predmetnih planskih dokumenata.

Također, sukladno gore navedenoj Uredbi, za izrađene planske dokumente u svim fazama izrade, kao sastavni dio planskog dokumenta, izrađeno je i **9** Odluka o provođenju planskih dokumenata, koje predstavljaju važan pisani dokument, obavezujući u postupku praćenja primjene i provođenja planskog dokumenta koji se donosi.

U okviru izrade ovih planskih dokumenata, Zavod je kao Nosilac izrade istih, izdao ukupno **4** stručnih mišljenja po zahtjevima Nosioca pripreme planskih dokumenata, (Općina) a u cilju izdavanja lokacijskih informacija ili urbanističkih saglasnosti za one investitore koji su se obraćali nadležnim općinskim službama, a izrada planskog dokumenta je bila u toku izrade. Navedeno je propisano odredbom člana 70a. Zakona o prostornom uređenju i građenju.

Zavod je u izvještajnom periodu surađivao sa Ministarstvom za građenje, prostorno uređenje i zaštitu okoliša, te je dao svoje prijedloge i sugestije u postupku izrade Zakona o izmjenama i dopunama Zakona o prostornom uređenju i građenju, kao i Zakona o legalizaciji bespravno izgrađenih građevina i zahvata, za kojeg je predlagač bilo Ministarstvo za građenje, prostorno uređenje i zaštitu okoliša.

Shodno svemu navedenom, i činjenici da su sve planirane aktivnosti obavljene u zadanim rokovima, i unatoč tome da nisu popunjena sva neophodna radna mjesta utvrđena postojećom sistematizacijom, može se zaključiti da je rad Zavoda u 2016. godini bio uspješan i na zadovoljavajućem nivou.

V PROGRAMSKA ORIJENTACIJA

Programsku orijentaciju u 2016. godini prikazali smo u Programu rada Kantonalnog zavoda za prostorno uređenje i planiranje za 2016. godinu, u kojem smo detaljno prikazali plan rada Zavoda za izvještajni period, i koji je u utvrđenom roku prosljeđen Vladi na razmatranje.

Programska orijentacija Zavoda u izvještajnom periodu je bila usmjerena prvenstveno na što kvalitetniju i efikasniju izradu planskih dokumenata za potrebe jedinica lokalne samouprave sa područja Unsko-sanskog kantona.

Opredjeljenje Zavoda u proteklom periodu je bilo usmjereno na osiguranje preduslova za kvalitetnu izradu planskih dokumenata, a kom smislu je bilo neophodno poduzeti i radnje na popuni preostalih upražnjenih pozicija državnih službenika građevinske, elektro i mašinske struke, kako bi se stvorile pretpostavke za izradu razvojnih planskih dokumenata. Problemi sa kojima se susrećemo u navedenim procedurama se ogledaju u činjenici da se radi o specifičnim zanimanjima, pogotovo sa potrebnim propisanim radnim iskustvom i ostalim uslovima za stjecanje statusa državnog službenika, a kojeg stručnog kadra je kod nas jako malo.

VI PLANIRANE I REALIZIRANE AKTIVNOSTI I ZADACI

Aktivnosti iz Programa rada za 2016. godinu su izvršene u predviđenim rokovima, a što ćemo detaljno prezentirati kroz ovaj Izvještaj. Neke od aktivnosti koje su planirane na prijedlog pojedinih Općina, a nisu realizirane iz tehničkih razloga, (nedostavljenih odgovarajućih katastarskih podloga, smjernica i sl.), Zavod je nadoknadio izradom drugih neplaniranih planskih dokumenata koje je realizirao u izvještajnom periodu i brojčano izradio više planskih dokumenata od onih koji su bili planirani.

U izvještajnom periodu, Zavod je izradio slijedeće planske dokumente, te su isti od strane Općinskih vijeća usvojeni ili su pojedini u fazi usvajanja, kako je prikazano u tabeli:

| R. br. | Naziv planskog dokumenta | Nacrt planskog dokumenta | Prijedlog planskog dokumenta |
|--------|---|--------------------------|------------------------------|
| 1. | Izmjene i dopune Regulacionog plana „Lijeva obala 1“, Sanski Most | | 09.02.2016. godine |
| 2. | Izmjene i dopune Regulacionog plana „Lijeva obala 1“ (sjeverni obuhvat) Sanski Most | 09.02.2016. godine | 17.03.2016. godine |
| 3. | Izmjene i dopune Regulacioni plan „Stadion Meša Selimović“, Sanski Most | 09.02.2016. godine | 17.03.2016. godine. |

| | | | |
|----|---|--|---|
| 4. | Izmjene i dopune Regulacionog plana „Poslovna zona Pilana“, Bosanska Krupa | | Nosiocu pripreme dostavljen PRIJEDLOG 15.12.2016. godine |
| 5. | Urbanistički projekat poslovnog bloka I u Ulici Hanlovskoj i Branilaca BiH, Ključ | 01.02.2016. godine | 29.06.2016. godine |
| 6. | Urbanistički projekat stambeno-poslovnog bloka II, Ključ | 01.02.2016. godine | 29.06.2016. godine |
| 7. | Zoning plan poslovne zone „Ratkovac“ Cazin | 29.12.2016. godine | |
| 8. | Urbanistički projekat „Gradska saobraćajnica“ Ključ, | Nosiocu pripreme dostavljen NACRT 27.12.2016. | |
| 9. | Regulacioni plan deponija otpada „Peći“ Ključ | Nosiocu pripreme dostavljen NACRT 27.12.2016. | |

Također, Zavod je zaključio ugovor za izradu Izmjena i dopuna Regulacionog plana „Slatinske bare“ za potrebe Općine Cazin, te je do kraja izvještajnog perioda izrađena i usaglašena prostorna osnova plana sa Nosiocem pripreme, a nastavak izrade ovog planskog dokumenta je predviđen Programom rada Zavoda za 2017. godinu.

Kao što je iz naprijed navedenog vidljivo, Zavod je u izvještajnom periodu uglavnom radio na izradi detaljnih planskih dokumenata, a u skladu sa iskazanim potrebama Općina Unsko-sanskog kantona.

Detaljni planski dokumenti su tehničko-regulativni planski dokumenti kojima se reguliše korištenje, izgradnja i uređenje prostora na područjima na kojima predstoji intenzivna izgradnja, i rade se za vremenski period do 10 godina.

U skladu sa članom 27. stav 3. Zakona o prostornom uređenju i građenju („Službeni glasnik Unsko-sanskog kantona“, broj: 12/13 i 3/16), detaljni planski dokumenti su:

1. **Zoning plan** – koji se donosi na osnovu važećih planova višeg reda a za pojedina područja unutar obuhvata tih planova. Ovom vrstom plana utvrđuju se urbanističko-tehnički uslovi koji će služiti za izradu projektne dokumentacije za potrebe građenja i pribavljanja odobrenja za građenje.
2. **Regulacioni plan** – koji se donosi za područja na kojima predstoji intenzivna gradnja ili uređenje prostora čije granice su utvrđene prostornim ili urbanističkim planom koji je i osnova za njegovu izradu,

3. **Urbanistički projekat** – donosi se za potrebe građenja na dijelovima urbanog područja koji se izgrađuju kao cjelina ili su već djelimično izgrađeni. Isti se donosi u svrhu definisanja detaljnih urbanističko-arhitektonskih i drugih rješenja za dio tog područja. Ovom vrstom plana se izrađuju i idejni projekti objekata koji su istim obuhvaćeni.

Zavod je kao stručna institucija u skladu sa svojom nadležnosti, a za potrebe organa uprave, sačinio slijedeća stručna mišljenja:

1. Stručno mišljenje broj: 18-23-2607-UP-1/16 od 28.09.2016. godine, na zahtjev Ministarstva za građenje, prostorno uređenje i zaštitu okoliša Unsko-sanskog kantona u postupku izdavanja urbanističke saglasnosti za eksploataciju industrijskih mineralnih sirovina – dolomita na lokalitetu „Gorjevac“ kod Bihaća;
2. Stručno mišljenje broj: 18-23-4577-UP-1/16 od 22.06.2016. godine, na zahtjev Ministarstva za građenje, prostorno uređenje i zaštitu okoliša Unsko-sanskog kantona, u postupku izdavanja urbanističke saglasnosti za izgradnju turističko rekreacionog centra (hotela, bazenskog kompleksa i doma za starije i nemoćne osobe) na području Gate – Ilidže;
3. Stručno mišljenje broj: 18-08-14823-2/16 od 07.12.2016, na zahtjev Kantonalnog pravobranilaštva Unsko-sanskog kantona, u postupku kupovine zemljišta za izgradnju zgrade Policijske stanice u Bužimu;

Zavod je u mjesecu maju 2016. godine, po zahtjevu premijera a za potrebe Vlade Unsko-sanskog kantona, izradio dva idejna projekta sadašnje zgrade Vlade i to:

I. Idejno rješenje rekonstrukcije krovišta sa nadogradnjom potkrovlja;

- Iz razloga dotrajalih dijelova krova i čestih prokišnjanja sa evidentiranom štetom i obavezom utroška sredstava na opravkama i održavanju tog dijela objekta, tražilo se rješenje da se kroz izmjenu kompletnog krova objekta dobije dodatni potkrovni prostor u koji bi se mogle smjestiti neke službe ili uprave koje su trenutno pod zakupom.

II. Idejno rješenje za dogradnju i nadogradnju zgrade Vlade;

- Ovo idejno rješenje je predstavljalo dogradnju sadašnje zgrade Vlade na prostoru koji se trenutno koristi za parkiralište, sa jednakim brojem etaža i nadograđenim potkrovljem a sve obuhvaćeno zajedničkim krovom. Predviđena je i jedna etaža ispod kote ulice, a koja bi predstavljala zatvoreni garažni prostor za službena auta, prostoriju za dispečera i vozače sa sanitarnim čvorom i prostor za arhivu. Silaz u garažu je predviđen rampom. Ovim idejnim rješenjem bi se znatno povećala kvadratura korisnog kancelarijskog prostora, u koji bi se mogla smjestiti skoro sva ministarstva koja nisu u sklopu zgrade Vlade. Ovo rješenje Zavod smatra dugoročnim, moguće izvodljivim u nekom narednom periodu, a opravdanim iz

razloga mogućnosti finansiranja izgradnje eventualnim kreditiranjem, čija bi rata bila približna ili istovjetna mjesečnim iznosima zakupa koji se plaćaju za ona ministarstva, zavode i uprave koji nisu i nemogu biti smješteni u postojećoj zgradi.

Oba Idejna projekta su nakon izrade predata Uredu vlade i premijeru, a za koja Zavod kao nosilac izrade očekuje mogućnost realizacije, bilo koje od ponuđenih varijanti i u bilo koje moguće vrijeme.

VII IZVRŠENJE PLANIRANIH KONTINUIRANIH POSLOVA

U izvještajnom periodu Zavod je proveo niz drugih aktivnosti i postupaka, te donio slijedeća akta;

- Program rada Kantonalnog zavoda za prostorno uređenje i planiranje za 2016. godinu;
- Izveštaj o radu Kantonalnog zavoda za prostorno uređenje i planiranje za 2015. godinu;
- Elaborat o rezultatima izvršenog popisa sredstava, obaveza i potraživanja Kantonalnog zavoda za prostorno uređenje i planiranje sa stanjem na dan 31.12.2015.godine;
- Kvartalni finansijski izvještaj za 2016. godinu, za potrebe Ministarstva finansija Unsko-sanskog kantona;
- Operativne mjesečne planove;
- Kvartalni operativni planovi;
- Pregled prioriteta budžetskih korisnika za period 2017.-2019. godine;
- Izvod otvorenih stavki sa stanjem na dan 31.12.2015. godine;
- Plan nabavke Kantonalnog zavoda za prostorno uređenje i planiranje za 2016. godinu;
- Plan prijema pripravnika u Kantonalnom zavodu za prostorno uređenje i planiranje za 2016. godinu;
- Program rada Kantonalnog zavoda za prostorno uređenje i planiranje za 2017. godinu.

U izvještajnom periodu Zavod je sačinio i slijedeće Izvještaje:

- 1) Izvještaj o primjeni Zakona o državnim službenicima i namještenicima u organima državne službe Unsko-sanskog kantona.
Izvještaj sačinjen na zahtjev Ministarstva pravosuđa i uprave Unsko-sanskog kantona i dostavljen u roku.
- 2) Izvještaj o radu Kantonalnog zavoda za prostorno uređenje i planiranje za period 01.01.-30.06.2016. godine.
Izvještaj je podnesen Ministarstvu za gradenje, prostorno uređenje i zaštitu okoliša u septembru 2016. Godine.
- 3) Izvještaj Agenciji za državnu službu Federacije Bosne i Hercegovine o provedenom postuku redovnog ocjenjivanja državnih službenika i namještenika u Kantonalnom zavodu za prostorno uređenje i planiranje za period 01.01. – 30.06.2016. godine.

Neophodno je istaći činjenicu da je Zakon o izmjenama i dopunama Zakona o prostornom uređenju i građenju („Službeni glasnik Unsko-sanskog kantona“, br: 3/16) umanjio mogućnost rada Zavoda koji je do donošenja istog bio jedini Nosilac izrade planske dokumentacije za područje Kantona, a ovom izmjenom je data mogućnost obezbjeđenja izrade planskih dokumenata općinskim/gradskim organima uprave i na osnovu javnog konkursa a shodno odredbama Zakona o javnim nabavkama BiH. Dakle, za očekivati je da će neke od Općina ili Grad Bihać ponovno za Nosioce izrade planskih dokumenata, odabrati institucije iz drugih kantona/entiteta i da će sredstva iz budžeta općina umjesto na račun budžeta USK odlaziti na račune drugih.

Međutim, Zavod je svojim dosadašnjim radom dokazao da jednako kvalitetno, a u kraćim rokovima i pod povoljnijim uslovima izrađuje plansku dokumentaciju za općine Kantona koje su do sada surađivale sa ovim organom te se nadamo da će se postojeća poslovna suradnja nastaviti i proširiti i na one općine/Grad Bihać, sa kojima do sada nismo surađivali.

Ovo pogotovo ukoliko se uvaži stav Ustavnog suda Federacije Bosne i Hercegovine, iznesen u presudi br: U-52/14 od 20.01.2016. godine, („Službeni glasnik Unsko-sanskog kantona“, br. 6/16), donesen u postupku po zahtjevu načelnika Općine Velika Kladuša za zaštitu prava na lokalnu samoupravu, kojom je utvrđeno da odredbama Zakona o prostornom uređenju i građenju o nadležnostima Zavoda, nije povrijeđeno pravo na lokalnu samoupravu jedinica lokalne samouprave.

Nadalje, činjenica da Zavod nije bio ostvario suradnju sa određenim Općinama, ogleda se u činjenici da iste imaju donesene svoje razvojne planove, i većinu važećih detaljnih planskih dokumenata, te da trenutno nemaju potrebu za dodatnu dokumentaciju, što ne znači da suradnja u budućem periodu neće biti uspostavljena, naročito u momentu kada se istima ukaže potreba za izradom novih planskih dokumenata ili eventualnom izmjenom postojećih.

VIII PREGLED UNUTRAŠNJE ORGANIZACIJE, KADROVSKE I MATERIJALNE OSPOSOBLJENOSTI

Zavod je organiziran na način da u svom sastavu ima dvije osnovne organizacione jedinice:

- a) Sektor za prostorno planiranje, razvojno planiranje i infrastrukturu,
- b) Sektor za opće poslove i bazu podataka.

Važećim Pravilnikom o unutrašnjoj organizaciji Kantonalnog zavoda za prostorno uređenje i planiranje, u Zavodu je sistematizirano 15 radnih mjesta plus direktor, i to slijedeće kvalifikacione strukture: deset državnih službenika sa visokom stručnom spremom - VSS, četiri namještenika od kojih je jedan sa višom školskom spremom - VŠS i tri namještenika sa srednjom stručnom spremom - SSS, i jedno radno mjesto uposlenika sa srednjom stručnom spremom - SSS.

U Zavodu je trenutno popunjeno ukupno 10 radnih mjesta, i to:

1. Direktor
2. Šef Sektora za prostorno planiranje, razvojno planiranje i infrastrukturu
3. Stručni savjetnik za prostorno planiranje i infrastrukturu
4. Stručni savjetnik za pravne poslove
5. Stručni savjetnik za ekonomske poslove i za provedbu projekata
6. Viši samostalni referent za tehničke poslove i infrastrukturu
7. Viši referent za pripremu prostorne dokumentacije
8. Viši referent za geodetske poslove
9. Tehnički sekretar – viši referent
10. Viši referent za održavanje i kopiranje

U cilju unapređenja rada i poslovanja, kao i dodatnog stručnog usavršavanja, a što je obaveza u skladu sa članom 55. Zakona o državnim službenicima i namještenicima u organima državne službe Unsko-sanskog kantona, uposlenici Zavoda su u izvještajnom periodu prisustvovali slijedećim stručnim edukacijama:

- INOVA informatički inženjering – 13.05.2016. godine, Arhitektonsko-građevinski fakultet u Banja Luci. Tema: Prezentacija Autodesk softverskog rješenja za Building information model (BIM), koja je namijenjena svima koji se bave projektovanjem;
- Agencija za državnu službu Federacije Bosne i Hercegovine - 20. i 21.09.2016. godine, Bihać, Obuka pod nazivom „Politički i pravni sistemi EU“;
- Federalni fond za zaštitu okoliša i UNDP - 08. i 09.11.2016. godine, Bihać „Nova dostignuća iz oblasti energijske efikasnosti, energijskog menadžmenta, održive gradnje, obnovljivih izvora energije, regulative, tehničkih propisa i relevantnih normi iz navedenih oblasti“.

Zavod je shodno članu 50. stav 6. Zakona o državnim službenicima i namještenicima u organima državne službe Unsko-sanskog kantona, dana 15.07.2016. godine donio Plan prijema pripravnika u Kantonalnom zavodu za prostorno uređenje i planiranje za 2016. godinu, broj: 18-34-9085-1/16. Međutim, prijem nije izvršen obzirom na stopiranje prijema novih uposlenika na teret budžeta Unsko-sanskog kantona.

Rukovodeći se zaključcima i mjerama štednje, u izvještajnom periodu u Zavodu nije bilo novog upošljavanja, unatoč realnoj potrebi za popunjavanjem upražnjenih pozicija diplomiranih inženjera naročito: građevinske, saobraćajne, elektro i mašinske struke, što bi uveliko doprinijelo još značajnijem radu Zavoda, uspješnijem ispunjenju planiranih zadataka, većoj efikasnosti i boljim rezultatima rada.

IX OSTVARIVANJE SARADNJE SA FEDERALNIM ORGANIMA, DRUGIM KANTONIMA, OPĆINAMA I OMBUDSMENIMA

Realizacija aktivnosti i poslova prezentiranih kroz ovaj Izvještaj, zahtijevala je određenu suradnju sa institucijama na različitim nivoima vlasti, od kojih ističemo slijedeće:

- Federalno ministarstvo pravde,
- Agencija za državnu službu F BiH,
- Agencija za zaštitu ličnih/osobnih podataka u Bosni i Hercegovini,
- Zavod za planiranje razvoja Kantona Sarajevo,
- Tuzlanski kanton, Ministarstvo prostornog uređenja i zaštite okoline.

Zavod je također ostvario uspješnu poslovnu suradnju sa većinom Općina Unsko-sanskog kantona, a što je i vidljivo kroz prezentirane aktivnosti na izradi planske dokumentacije u ovom izvještajnom periodu.

Zavod u 2016. godini, nije imao zahtjeva o postupanju od strane OMBUDSMAN-a.

X FINANSIJSKI IZVJEŠTAJ

Zakonom o osnivanju Kantonalnog zavoda za prostorno uređenje i planiranje („Službeni Glasnik Unsko-sanskog kantona“ broj 23/12) u POGLAVLJU III – IMOVINA I SREDSTVA ZAVODA, članom 7. stav (1) je regulisano da imovinu Zavoda čine novac i prava koja Zavod stiče svojim poslovanjem a stavom (2) je regulisano da se sredstva za rad Zavoda obezbjeđuju iz Budžeta Kantona i drugih izvora finansiranja.

Finansijski izvještaj poslovanja, odnosno pregled planiranih i utrošenih sredstava Kantonalnog zavoda za prostorno uređenje i planiranje za period 01.01.2016. - 31.12.2016.godine, prikazan je u TABELI koja je na slijedećoj stranici.

FINANCIJSKI IZVJEŠTAJ POSLOVANJA

Pregled utrošenih sredstava Kantonalnog zavoda za prostorno uređenje i planiranje (period 01.01.-31.12.2016.godine)

| razdjel | glava | Potr. jed. | Funkc. Kod. | Ekon. kod | Suban. | OPIS | Budžet za 2016.god. | Odl. o izmj. i dop.2016.godina | Vlastita sredstva | UKUPNO 2016.godina | IZVRŠENJE |
|---------|-------|------------|-------------|-----------|--------|---|---------------------|--------------------------------|-------------------|--------------------|----------------|
| 1 | 2 | 3 | 4 | 5 | 6 | 7 | 8 | 9 | 10 | 11 | 12 |
| 19 | 03 | 0001 | 0660 | | | UKUPNO | 293.225 | 308.081 | 0 | 308.081 | 286.730 |
| 19 | 03 | 0001 | 0660 | | | Tekući izdaci | 288.225 | 302.481 | 0 | 302.481 | 286.730 |
| 19 | 03 | 0001 | 0660 | 611000 | | Plaće naknade troškova zaposlenih | 245.682 | 260.436 | 0 | 260.436 | 248.209 |
| 19 | 03 | 0001 | 0660 | 611100 | | Bruto plaće i naknade | 216.825 | 231.082 | | 231.082 | 222.956 |
| 19 | 03 | 0001 | 0660 | 611200 | JBA001 | Naknade za topli obrok tokom rada | 19.200 | 19.200 | | 19.200 | 25.253 |
| 19 | 03 | 0001 | 0660 | 611200 | JBA002 | Naknade prevoza s posla i na posao | 2.312 | 2.624 | | 2.624 | |
| 19 | 03 | 0001 | 0660 | 611200 | JBA009 | Regres za godišnji odmor | 4.565 | 4.150 | | 4.150 | |
| 19 | 03 | 0001 | 0660 | 611200 | SUD004 | Regres za godišnji odmor-2014.godine | 0 | | | | |
| 19 | 03 | 0001 | 0660 | 611200 | JBA008 | Pomoć u slučaju smrti ili teže invalidnosti | 2.780 | 3.380 | | 3.380 | |
| 19 | 03 | 0001 | 0660 | 612100 | | Doprinosi poslodavca | 22.997 | 24.474 | 0 | 24.474 | 24.135 |
| 19 | 03 | 0001 | 0660 | 613000 | | Izdaci za materijal i usluge | 19.546 | 17.571 | | 17.571 | 14.386 |
| 19 | 03 | 0001 | 0660 | 613100 | | Putni troškovi | 2.000 | 895 | | 895 | 164 |
| 19 | 03 | 0001 | 0660 | 613200 | | Izdaci za energiju | 1.848 | 848 | | 848 | 393 |

Izveštaj o radu Kantonalnog zavoda za prostorno uređenje i planiranje za 2016. godinu

| | | | | | | | | | | | |
|----|----|------|------|--------|--------|--|----------------|----------------|----------|----------------|----------------|
| 19 | 03 | 0001 | 0660 | 613300 | | Izdaci za komunalne usluge | 1.610 | 1.610 | | 1.610 | 1.172 |
| 19 | 03 | 0001 | 0660 | 613400 | | Nabavka materijala | 3.159 | 1.159 | | 1.159 | 1.148 |
| 19 | 03 | 0001 | 0660 | 613500 | | Izdaci za usluge prevoza i goriva | 800 | 200 | | 200 | 20 |
| 19 | 03 | 0001 | 0660 | 613600 | | Unajmljivanje imovine i opreme | 4.920 | 10.650 | | 10.650 | 10.647 |
| 19 | 03 | 0001 | 0660 | 613700 | | Izdaci za tekuće održavanje | 0 | | | | |
| 19 | 03 | 0001 | 0660 | 613900 | DOP001 | Ugov. usluge-Posebna naknada na dohodak-zaštita | 709 | 709 | | 709 | 842 |
| 19 | 03 | 0001 | 0660 | 613900 | | Ugovorene usluge | 4.500 | 1.500 | | 1.500 | 0 |
| 19 | 03 | 0001 | 0660 | 821000 | | Kapitalni izdaci | 5.000 | 5.600 | 0 | 5.600 | 5.043 |
| 19 | 03 | 0001 | 0660 | 821300 | | Uredska oprema | 0 | 5.000 | | 5.000 | 4.995 |
| 19 | 03 | 0001 | 0660 | 821500 | | Studije izvodljivosti, projektne pripreme i projekt. | 5000 | 600 | | 600 | 48 |
| 19 | 03 | 0001 | 0660 | | | Ukupno za glavu 1903: | 293.225 | 308.081 | 0 | 308.081 | 286.730 |
| 19 | 03 | 0001 | 0660 | | | Ukupan broj zaposlenih | 11 | 10 | 0 | 10 | 10 |

NAPOMENA: iz priložene Tabele – kolona IZVRŠENJE, može se zaključiti da je Zavod utrošio manje sredstava planiranih i Budžetom za 2016.godinu a i planiranih rebalanskom Budžeta za 2016.godinu, odnosno da je u većini stavki ostvario znatne uštede.